
**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD ŽIVINICE
GRADONAČELNIK**

Broj : 01/ 2 – 04 – 89 -1258 /20

Datum:27.05.2020.godine

Na osnovu člana 15. Zakona o principima lokalne samouprave u Federaciji Bosne i Hercegovine (“Službene novine Federacije Bosne i Hercegovine” broj:49/06) i člana 38.Statuta Grada Živinice (“Službeni glasnik Grada Živinice” broj:5/19) te strateških ciljeva utvrđenih u Strategiji razvoja Grada Živinice koji se odnose na podsticaje za poljoprivrednu proizvodnju i na osnovu Sporazuma o međusobnim odnosima i finansijskim doprinosima između Caritasa Švicarske i Grada Živinice u realizaciji projektne aktivnosti „Proizvodnja jagode u Gradu Živinice“ u sklopu projekta Stvaranje prihoda i radnih mjesta u poljoprivrednom sektoru u Bosni i Hercegovini (IGAS), zaključenog između Grada Živinice i „Caritas Švicarske“, broj:65/20/190049/OUT od 18.05.2020 godine, kojim su osigurana donatorska sredstva od strane „Caritas Švicarske“ 40%, Grad Živinice 40% i vlastitog učešća korisnika 20%, Gradonačelnik **objavljuje:**

JAVNI POZIV

za predaju zahtjeva za dodjelu dvadeset (20) paketa za uzgoj jagoda uz sufinansiranje

I PRAVO UČEŠĆA

Pravo na učešće u Projektu imaju nezaposlene osobe, prvenstveno mladi i žene sa područja Grada Živinice koje posjeduju vlastito poljoprivredno zemljište ili njihovi uži članovi porodice kao i zemljište ustupljeno na korištenje ili u zakup u neposrednoj blizini stambenog objekta u kojem stanuju.

II USLOVI ZA DODJELU PAKETA

Podnosilac zahtjeva treba da ispunjava slijedeće uslove:

1. da je nezaposlena osoba ili osoba sa minimalnim primanjima,
2. da je podnosilac zahtjeva ili član uže porodice vlasnik ili posjednik poljoprivrednog zemljišta pogodnog za proizvodnju jagodičastog voća, a koje se nalazi u neposrednoj blizini stambenog objekta u kojem stanuje,

3. da ima mogućnost navodnjavanja zemljišta,
4. da sufinansira 20% od nabavne cijene paketa
5. da obavezno prisustvuje edukaciji iz oblasti proizvodnje jagodičastog voća u trajanju od dva dana.
6. prednost prilikom odabira će imati korisnici koji u prethodnih 5 godine nisu ostvarili pravo na dobijanje paketa za proizvodnju jagodičastog voća.

III KRITERIJI ZA DODJELU PAKETA

Kriteriji za bodovanje podnosioca zahtjeva:

- a) pogodnost vlastitog zemljišta za proizvodnju jagoda i mogućnost navodnjavanja (utvrđuje Komisija za dodjelu na licu mjesta), 1-3 boda,
- slabi uslovi (veliki nagib, udaljenost od kuće više od 200 m) 1 bod
 - dobri uslovi (relativno veliki nagib, udaljenost od kuće do 100 m) 2 boda,
 - jako dobri uslovi (blagi nagib, blizu kuće, dobar pristup) 3 boda.

Kandidati kod kojih se na terenu utvrdi da ne posjeduju poljoprivredno zemljište pogodno za proizvodnju jagode (npr. veliki nagib, veličina parcele i sl.) ili nemaju mogućnosti za navodnjavanje neće se bodovati, te se njihove prijave neće uzeti u razmatranje.

b) dodatni bodovi po osnovu pripadnosti jednoj od dole navedenih kategorija:

- podnosilac zahtjeva nezaposlen (vrijeme provedeno na birou za zapošljavanje), od 1-4 boda,
 - od 0-3 god. 1 bod,
 - od 3-6 god. 2 boda,
 - od 6-10 god. 3 boda,
 - više od 10 god. 4 boda,
- za svakog punoljetnog nezaposlenog člana porodice, koji se nalazi na evidenciji nezaposlenih osoba Biroa za zapošljavanje – 1 bod,
- za svakog izdržavanog člana porodice (nezaposlene osobe koje se ne nalaze na evidenciji nezaposlenih osoba na Birou za zapošljavanje -domaćice, djeca, učenici i sl.) – 1 bod,
 - mlade osobe životne dobi do 35 godina – 5 bodova,
 - ako je podnosilac zahtjeva samohrani roditelj – 2 boda
 - socijalni aspekt -nema primanja-7 bodova
 - socijalni aspekt-minimalna primanja po članu do 100,00 KM -6 bodova
 - socijalni aspekt – minimalna primanja po članu domaćinstva do 200,00 KM -5 bodova,
 - socijalni aspekt – minimalna primanja po članu domaćinstva do 250,00 KM - 4 boda,
 - socijalni aspekt – minimalna primanja po članu domaćinstva do 300,00 KM - 3 boda,
 - socijalni aspekt stanje na terenu: 0-4 boda.
 - žene koje su glava porodice – 2 boda

Kada kandidati pri bodovanju imaju isti broj bodova, prednost će imati kandidati koji imaju status mlade osobe i žene.

IV POTREBNA DOKUMENTACIJA

Potrebna dokumentacija za dodjelu paketa mora biti originalna ili ovjerena:

1. obrazac za prijavu na Javni poziv
2. kopija lične karte,
3. ovjerena kućna lista,
4. dokaz o nezaposlenosti kandidata izdat od Biroa za zapošljavanje, a u slučaju da se ne vodi na birou uvjerenje od porezne ispostave Živinice da nije porezni obveznik.
5. dokaz o nezaposlenosti svih punoljetnih članova porodice izdat od Biroa za zapošljavanje a u slučaju da se ne vodi na birou uvjerenje od porezne ispostave Živinice da nije porezni obveznik
6. dokaz o visini primanja zaposlenih članova domaćinstva (platne liste za posljednja tri mjeseca, ček od penzije, i slično).
7. vlasništvo ili posjed nad parcelom koja se namjerava koristiti za podizanje jagode (kopija Posjedovnog lista, ili ugovor o zakupu zemljišta sa posjedovnim listom za to zemljište,
8. ovjerena izjava da će korisnik dobiveni paket zadržati u vlasništvu najmanje 2 godine od potpisivanja Ugovora,
9. ovjerena izjava da podnosilac zahtjeva u posljednjih 5 godina nije ostvario pravo na donaciju, dodjelu ili sufinansiranje nabavke paketa jagode od grada, ministarstva, humanitarnih i drugih organizacija,
10. da sufinansira 20% od nabavne cijene paketa
11. Ovjerena izjava da će obavezno prisustvovati edukaciji iz oblasti jagodičaste proizvodnje u trajanju od dva dana,

V PROCEDURA ODABIRA KORISNIKA PAKETA

Komisiju za odabir krajnjih korisnika za dodjelu paketa za proizvodnju jagode putem sufinansiranja u saradnji sa humanitarnom organizacijom čine: 1 predstavnik "Caritas Švicarske" i 2 predstavnika Grada Živinice.

Zadatak Komisije za dodjelu paketa za proizvodnju jagode je:

- pregled prispjelih prijava, evidentiranje kandidata koji ispunjavaju uslove iz Javnog poziva, obavljanje uviđaja na licu mjesta, sačinjavanje liste krajnjih korisnika na osnovu utvrđenih kriterija za bodovanje te istu dostavlja Gradonačelniku.

Saglasnost na predloženu rang listu kandidata daje Gradonačelnik.

Rang lista odabranih kandidata će biti objavljena na oglasnoj tabli i službenoj web stranici Grada Živinice.

NAPOMENA:

Kandidati koji ostvare pravo na dodjelu paketa obavezni su prisustvovati edukaciji u trajanju od dva dana.

Obrasci zahtjeva za prijavu mogu se preuzeti na info pultu šalter sale i web stranici Grada Živinice

Zahtjev sa traženom dokumentacijom predati u zatvorenoj kovrti na pisarnicu Grada Živinice sa naznakom „Za javni poziv za dodjelu paketa za proizvodnju jagoda uz sufinansiranje“.

Rok za podnošenje zahtjeva je 15 dana, od dana objavljivanja javnog poziva u sredstvima javnog informisanja (RTV Živinice) web stranici kao i na oglasnoj tabli Grada Živinice.

Neblagovremene prijave se neće uzeti u razmatranje.

Sve dodatne informacije mogu se dobiti u Službi za lokalni ekonomski razvoj finansije i trezor Grad Živinice, ili na broj telefona 035 743-301, 035-743-343 svakim radnim danom od 08:00-15 30 časova.

DOSTAVITI:

1. Caritas Sarajevo
2. Oglasna tabla Grad Živinice
3. Web stranica Grad Živinice
4. Gradonačelnik
5. a/a

GRADONAČELNIK
Samir Kamenjaković